

In viadi per egl ed ureglia

Radio e Televisiun Rumantscha tras l'Engiadin'Ota

■ (cp) **Dals 23 fin ils 27 d'avust 2010 visita Radio e Televisiun Rumantscha (RTR) l'Engiadin'Ota e purtretescha glied, taidla, guarda e mussa co ch'i vegn abità e vivì, co ch'i vegn sunà e lavurà. Sin via multimediala – sin radio, televisiun ed internet – envida RTR sin in viadi en ina regiun on Top of the World.** Co vivan ils carstgauns en l'Engiadin'Ota, tge muventan els, tge muventa els, tge è il bel e tge è il cumplitgà en lur vita ed en lur regiun? RTR mussa bleras fassetas, va a la tschertga dals pli differents temas e las pli diversas personas. Da glindesdi fin venderdi va RTR da Malögia, Silvaplauna, Puntraschigna, Zuoz e finalmain a Samedan e rapporta ord quests vitgs. L'Engia-

din'Ota è l'entir di da las 08.15 fin 18.00 tema en il program da RTR: Pertge daventan indigens cunfinaris? Pertge gida la hotellaria a mantegnair il rumantsch e pertge prosperescha la hotellaria en tscherts lieus ed en auters betg? Co vegn ins vegl en l' Engiadin'Ota, tgi gida e per tgi davent'ins in problem? Co vesan ils «Engiadinais exiliads» lur patria, tge als attira e tge als fa disgust?

Ma er la part sensuala na vegn betg tralasciada. Personas preschentan lur lieus magics e raquintan l'istorgia persunter. *Hartly Mathis* tradescha mintga di in da ses recepts. La populaziun po trametter ad amis e conuschents in salid musical. En il Telesguard renascha l'imni «Engiadina» da *Paulin Nuotclà*

sco clip da video particular: Quai che cumenza «unisono» sa modifitgescha durant l'emna en ina polifonia. Ed ins vesa er la vista dals uffants. Cun agid professional realiseschan uffants da la scola primara mintgamai in purtret da lur vitg per la televisiun.

Tuttas contribuziuns en maletg, tun e text da l'emna tematica vegnan actualisadas mintga di sin la plattafurma d'internet sin www.rtr.ch. Plinavant maina la moderatura *Flurina Badel* in diari nua ch'ins po leger sin la rait.

Las emissiuns directas vegnan emessas da las 16.00 fin las 18.00 ord ils mezs dals vitgs. Il pievel sco er ils passants pon guardar sur ils giuvels dals redactors e redacturas dal radio e da la televisiun sco era guardar davos las culissas dad ina tala produenziun. Sin mintga visitader spetga ina pitschna surpraisa.

Da cumpagnia a Samedan

Sco finiziun da l'emna tematica tras l'Engiadin'Ota datti il venderdi ina saira «Da cumpagnia» che cumenzà a las 20.30 en la sala cumünela a Samedan. RTR envida giuven e vegl da passentar ina sairada da divertiment cun unions culturalas da Samedan sco era cun films or da l'archiv da la Televisiun Rumantscha. Sin la tribuna sa preschentan il cor d'uffants Las Filomelas da Samedan – s-chelin d'innmez (dir. *Ladina Simonelli*) ed il Cor mixt da Samedan (dir. *Ladina Simonelli*). Sco giasts speziels sa preschentan *Mario Pacchioli & Astrid Alexandre* cun lur chanzuns en stil da singer-songwriter. La Chapella Engadi-



La fin avust visita Radio e Televisiun Rumantscha (RTR) l'Engiadin'Ota e purtretescha glied, taidla, guarda e mussa co ch'i vegn abità e vivì.

MAD

ner Ländlerfründa è responsabla per il divertiment e per la musica da saut.

L'occorrenza vegn organisada da RTR en collavuraziun cun la cumissiun eveniments e turissem Samedan. L'entrada è gratuita.

Program dals 23–28 d'avust 2010

Radio Rumantsch

08.15 Personas preschentan lur lieu magic
10.30 En cuschina cun Hartly Mathis
11.30–12:00 La reportascha – istorgi-as da l'Engiadin'Ota
12.00 L'optica d'ordaifer – mi'Engiadin'Ota
16.00–17.00 Concert sin giavisch direct da Malögia (23-08), Silvaplauna (24-08), Puntraschigna

(25-08), Zuoz (26-08), Samedan (27-08)

Televisiun Rumantscha sin SF1

17.40 Telesguard direct da Malögia (23-08), Silvaplauna (24-08), Puntraschigna (25-08), Zuoz (26-08), Samedan (27-08)

Ulteriuras infurmaziuns sco era il program detaglià da l'emna tematica en l'Engiadin'Ota sin www.rtr.ch.